

228607

成都工學院圖書館

基本館藏

卷〇七五〇 倉字

卷〇七五一 倉字

卷〇七五二 倉字



永樂大典

八十



重錄總校官侍郎高拱

學士戶部主事

分校官洗馬孫承澤

書寫儒士孫承澤

關點監生馬承志

吳敬

永樂大典卷之七千五百十

第八陽

倉

社倉

隋書食貨志開皇十六年正月詔秦臺成康武文芳宥旭洮岷渭紀河廓幽隴涇寧原敷丹延綏銀扶等州社倉並於當縣安

置二月又詔社倉準上中下三等稅上戶不過一石中戶不過七斗下戶不過四斗唐會要高祖武德元年九月四日置社倉其月二十二日詔曰

特建農圃用督耕耘思俾齊民既庶止富鍾度之量異同水火宜置常平

監官以均天下之貨市肆騰踊則減價而出田畝豐羨則增糶而收庶使

公私俱濟家給人足抑止無并宜通壅滯新唐書食貨志唐制其凶荒則

有社倉賑給不足則徙民就食諸州致知薦唐倉法何以數變唐自武

德置社倉本因隋制社倉正為凶荒賑給設然考戴胄奏言大業中國用

不足並取社倉以充官費故本塗無以自給於是有義倉之請然則自隋

以來社倉無訖官費不專為賑荒用社倉之不足為備宜矣自貞觀中置

義倉蓋因戴胄建議本為歲凶給民設然考降及武后數十年間乃禁義

倉不許雜用。是則武后之時。則民病矣。然諸庸調物。八月上旬起輸。諸租十一月起輸。取之各有時矣。且有事而加役。旬有五日則免調。三十日則租調皆免。是有時用役而不用賦矣。水旱霜蟲為災。十損四以上免租。六以上免租調。七以上課役俱免。是又有時因天災而賦役俱不用矣。租庸調三者之法。並立而不並用。且因時而損益之。不害其為良法也。惜也不二百年間。而此法遽改。壞之以無算。重之以括羨。加之以兩稅。而民困日深。議者皆曰。唐初雜賦。非田所出。兩稅之後。布縷出於田。力役出於田。諸所征求皆出於田。何啻十稅五。斯言亦不誣矣。宋史隱逸傳。魏掇之。字子實。自幼有大志。嘗請依古社倉法。請官米以貸民。至冬取之以納于倉。部使者素敬掇之。捐米千餘斛假之。歲歲歛散如常。民賴以濟。諸鄉社倉。自掇之始。錢顓上神宗乞天下置社倉。臣聞國之所以為國者。以有民也。民之所以為民者。以有穀也。國有九年之儲。不謂之有備。家無三年之蓄。必謂之不給。有國有家者。未始不先於儲蓄也。故管子曰。倉廩實知禮節。衣食足知榮辱。此之謂矣。臣竊見諸處農民。雖力田疇。不務蓄積。有水旱遂至狼狽。深可惻憫。臣謹按隋文帝開皇中。曹令天下之人。節儉輸粟。名為社倉。行於當時。民無饑饉。此實濟衆之良策也。以臣愚欲乞於天下。

州縣。逐鄉村各令依舊置社倉。當豐年秋成之時。只於上三等有田人戶。量出斛斛以備賑濟。第一等不過三石。第二等不過二石。第三等不過一石。或以鄉或以村爲額。仍令衆人選擇有物力一戶。充社倉甲頭。一年一替。以所聚斛斛藏置其家。即具衆戶實數申報所屬官司。判押爲據。或有損失亦迎甲頭陪填。貴免侵欺之弊。若遇荒歉。即盡數俵借於下等貧民。聽將來歲給日官爲索還。依前入社倉收貯。候聚及三年。或無水旱。即具存留。所貴常有三年之備。或無水旱一方之民。且殺有貴賤。歲有凶豐。所歛至輕。所濟甚博。歲月稍欠。蓄積亦多。縱值水旱之灾。免致流亡之患。伏乞指揮下諸路轉運詳酌施行。道學名臣言行錄。宋晦菴乾道七年。五夫三里社倉始成。歲一歛散。俾願貸者出息什二。小歛則地半息。甚則盡蠲之。建陽崇安縣志。社倉四垂。乾道七年以後置。實經始於邑人朝奉郎劉公如愚。今待制晦菴朱公熹云。五夫里黃亭市吳七里報恩院大安鋪。宋朱子語類。因民戶計較沮撓。社倉倉官。而知縣不恤曰。此事從來是官吏見這些米糧出入於士民。不歸於官吏。所以皆欲沮撓其事。今若不存倉官數年之間。立便敗壞。雖二十未年之功。洪爲無益。曾孫朱子語類錄。唐石有社倉。往往支發不時。故彼人來告先生云。救弊之道。在今

日檢是要嚴不嚴如何得實惠及此等鄉民朱晦菴集社倉事目。初命并
政語州。宣教郎直社間新提舉兩浙東路常平茶鹽公事朱熹。令其社
倉事目如後。一逐年十二月。分委諸部社首保正副。將舊保簿重行編
排。其間有停藏逃軍。及作過無行止之人。隱匿在內。仰社首隊長。覺察申
報。尉司追捉解縣根究。其引致之家。亦乞一例斷罪。次年三月內。將所排
保簿赴鄉官交納。鄉官點校。如有漏落及妄有增添一戶一口不實。即許
人告。審實中縣乞行根治。如無欺弊。即將其簿紐算人口。指定未數。大人
若干。小兒減半。候支貸日。將人戶請米狀。拖對批填。監官依狀支散。一
逐年五月下旬。新陳未接之際。預於四月上旬。申府乞依例給貸。仍乞選
差本縣清強官一員。人吏一名。糾子一名。前來與鄉官同共支貸。一申
府差官訖。一面出榜。拊定日。分都支散。先連後逐。一日一都。曉示人戶。
度錢六百文以上。及自有營運。永食不闕。不得請貸。各依日限具狀。狀內
開說大人小兒口數。結保每十人結為一保。連相保委。如保內逃亡之人。
同保均備取保。十人以下不成保。不支。正身赴倉請米。仍仰社首保正副
隊長大保長。並各到倉識認。面日照對保簿。如無偽冒重疊。即與簽押保
明。其社首保正。哥人不保。而旁立保明者。聽其日。監官同鄉官入倉。據狀

依次支散。其保明不實。別有情弊者。許人告首。隨事施行。其餘即不得選阻。如人戶不願請貸。亦不得妄有抑勒。一收支米。用淳熙七年十二月本府給到新濟黑官桶及官斛。每桶受米五石半。仰斛子依公平量。其監官、鄉官人從逐廳。只許兩人入中門。其餘並在門外。不得近前。拔撈攪奪人戶所請米斛。如違許被擾人當廳告覆。重作施行。一豐平如遇人戶請貸官米。即開兩倉存留。倉若遇飢歉。則開第三倉專賑貸深山窮谷耕田之民。庶幾豐荒賑貸有節。一人戶所貸官米。至冬納還。不行過十一月下月。先於十月上旬。定日申府。乞依例差官。將帶吏計前來公共受納。兩平交量。舊例每石收稅米二斗。今更不收。上件耗米。又慮倉廩折闕。無所從出。每石量收三升。準備折闕。及支吏計等人飯米。其米正行附曆收支。一申府差官計。即一面出榜排定日分。分都交納。先近後遠。一日一都。仰社首隊長告報保頭。保頭告報人戶。遞相糾率。造一色乾硬糙米。具狀。保頭為一狀。米足不得交納。如係內有人逃。立即同保均備納足。赴倉交納。監官、鄉官吏計人等。至日赴倉受納。不得妄有阻節。及過數多取其餘。並依給束約束施行。其收米人吏計子。要知首尾。次年夏支貸日。不可差誤。一收支米訖。逐日轉上本縣。所給印曆事畢。日具總數申府。縣

照會 一每遇支散交納日本縣差到人吏一名、斗子一名、社倉算交司一名、倉子兩名、每名日支飯米一斗。約半月發遣裹足米二石、共計米一十七石五斗、又貼書一名、貼斗一名、各日支飯米一斗、約半月發遣裹足米六斗、共計四石二斗、縣官人從七名、鄉官人從共一十名、每名日支飯米五升。日共計米八石五斗、已上共計米三十石二斗、一年收支兩次、共月米六十石四斗、逐年蓋牆并買藥薦、脩補倉廩、約米九石、通計米六十九石四斗、一排保式某里第某都社首某人、今同本都大保長隊長編排到都內人口數下項 甲戶大人若干口、小兒若干口、居住地名某處、或產戶開元產錢若干、或白煙耕田開店買賣上着外來、係某平移來、遷戶開 餘開 右某等今編排到都內人口數在前、即無漏落及增添一戶、一口不實、如招人戶陳首甘伏解縣、斷罪謹狀 年月日、大保長姓名押狀 隊長姓名 保正副姓名 社首姓名 一請米狀式某都第某保隊長某人、大保長某人下、某處地名、保頭某人等幾人、今遞相委就社倉借米、每大人若干、小兒減半、候冬收日、備乾硬糙米、每石量收三升、前來送納保內一名走失事故、保內人情願均備取足、不敢有違、謹狀 年月日、保頭姓名狀 甲戶開名 大保長姓名 隊長姓名 保

長姓名。社首姓名。一社倉支貸交收米斛合係社首保正副告報隊長保長隊長保長告報人戶如闕隊長許人戶就社倉陳說告報社首依公差補如闕社首即申尉司定差。一簿書鎖鑰。鄉官公共分掌其大項收支項監官簽押其餘零碎出納即委鄉官公共掌管務要均平不得徇私容情別生姦弊。一如遇豐年人戶不願請貸至七八月而產戶願請者聽。一倉內屋宇什物仰守倉人常切照管不得毀損及借出它用如有損失鄉官點檢勒守倉人備償如此小損壞逐時脩整大段改造臨時具因依申府乞撥米斛具位未烹奏節文。一臣所居建寧府崇安縣開羅鄉有社倉一所其法可以推廣行之它處欲望聖慈行下諸路州軍曉諭人戶有願置立者州縣量支常平米斛責付本鄉出等人戶主執歛散隨宜立約實為久遠之利其建寧府社倉見行事目謹錄一道進呈伏望聖慈詳察特賜施行。十一月二十八日三省同奉聖旨令戶部看詳聞奏。勅命行在尚書戶部準淳熙八年十二月二十八日勅中書門下省尚書省送到戶部狀準淳熙八年十一月二十八日尚書省送到宣教郎直祕閣新提舉兩浙東路常平茶鹽公事朱熹劄子奏臣所居建寧府崇安縣開羅鄉有社倉一所係乾道四年鄉民艱食本府給到常

平米六萬石。委臣與本鄉土居朝奉郎劉如愚同共賑貸。至冬收到元米。次年夏間。本府復令依舊貸與人戶。冬間納還。臣等中府措置。每石量收息米二斗。自後逐年依此欵散。或遇小歉。即蠲其息之半。大饑即盡蠲之。至今十有四年。量支息米。造成倉廩三間。收貯已將元米六萬石。納還本府。其見管三千一百石。並是累年人戶納到息米。已申本府照會。將來依前欵散。更不收息。每石只收耗米三升。係臣與本鄉土居官及士人數人同共掌管。遇欵散時。即申府差縣官一員監視出納。以此之故。一鄉四五十里之間。雖遇凶年。人不闕食。竊謂其法可以推廣行之它處。而法令無文人情難強。妄意欲乞聖慈。特依義役體例。行下諸路州軍。曉諭人戶。有願依此置立社倉者。州縣量支常平米斛。責與本鄉出等人戶主執欵散。每石收息二斗。仍差本鄉土居官員士人有行義者。與本縣官同共出納。收到息米十倍本來之數。即送元米還官。却將息米欵散。每石只收耗米三升。其有富家情願出米作本者。亦從其便。息米及數亦與撥還。如有鄉土風俗不同者。更許隨宜立約。申官遵守。實為久遠之利。其不願置立去處。官司不得抑勒。則亦不至接擾。此皆今日之言。雖無所濟於目前之急。然實公私儲蓄預備久遠之計。及今敷載施行。人必願從者衆。伏望聖慈。

詳察特賜施行。取進止。三省同奉聖旨。令戶部看詳開奏。本部今檢準紹興重修常平免役。令下項諸州常平錢穀。及場務錢不足。申提舉司通一路之數移用。仍聽互相兌便支撥。諸義倉附常平倉監專無管廩屋。以轉運司倉充其積藏。而應充換者。準常平法。無轉運司倉處。撥充常平物。諸義倉計夏秋正稅。無正稅稅處。物昂之類。折為較者。準此。每一斛別納五合。應量熟計一斛九分以上。即納一升。同正稅為一鈔。不收頭子腳乘錢及耗。限一日。先次交入本倉。出利通正稅。候盤量畢。亦限一日。燒熟。即納。即正稅不及一斛。并本戶放稅二分以上。及孤貧不濟者。免納諸義倉較。唯充賑給。不得它用。縣遇災傷。當職官體量。自第四等以下。開食戶給散。若放稅七分以上。通第三等給。至預申提舉司。審度行訖。奏。諸災傷計一縣放稅七分以上。第四等以下戶之種食者。雖舊有欠闕。不以月分聽結保貸借。即較不堪充種子者。紐直以錢。各成貫石。給限一年。隨稅納。仍充息州預以應支數。保明申提舉司。行訖。申尚書戶部。雖計一縣放稅不及七分。而本戶放稅及七分者。準此。本部看詳。欲行下諸路提舉司。徧下本路諸州縣曉示。任從民便。如願從上件施行。仰本鄉土居或寄居官員有行義者。具狀赴本州縣自陳。量於義倉米內支撥其飲散之事。與本鄉耆

老公共措置州縣並不須干預抑勒仍仰提舉司類聚具申聽候朝廷指揮奏聞事十二月二十二日三省同奉聖旨依戶部看詳到事理施行奉勅如右牒到奉行前批十二月二十四日辰時付戶部施行仍開合屬去處須至指揮兩浙東路提舉常平司主者仰一依今來勅命指揮疾速施行仍開合屬去處符到奉行淳熙八年十二月日下書令史郭體令史頓地主事全安仁將作少監無權戶部郎中無權押新除郎官跋語淳熙八年冬十有一月己亥臣熹以備使浙東奉行荒政蒙恩召上延和殿戒諭臨遣因得具以所居建寧府崇安縣開羅鄉社倉本末推說條奏誤蒙開納即詔頒其法於四方而臣熹又以使事適獲奉承仰戴皇仁頓首幸甚因竊惟念里社有倉實隋唐遺法往歲里中妄意此舉所以收恤隱民者蓋偶合其微指顧以國家未定著令是以不能遠及且懼其弗克久今乃得蒙上恩偏下郡國將遂得與閭宇之間舍生之類均被仁聖之澤於無窮固已不勝大幸而荒陬下里斗升之積又得上為明詔之所稱揚下為四方之所取則抑又有榮耀焉故敢具列尚書戶部所被勅命下浙東提舉常平司者厝于故里本倉聽事而記其說如此俾千萬年含哺鼓腹之儔有以無忘帝力之所自云淳熙九年四月丙辰宣教師直

祕閣提舉兩浙東路常平茶鹽公事借緋臣朱嘉拜手稽首謹言。勸立
社倉榜。當司恭奉聖旨。建立社倉。已行印榜。遍下管內州縣。勸諭尋據
紹興府會稽縣鄉官。新嘉興主簿諸葛懋職。右千能狀乞請官米置倉。給
貸而致政張承務。右宗文新台州司戶王迪功。右若水衡州龍游縣承承
節。右起子等。又乞各出本家米穀。置倉給貸。當司獎勵。前件官員。心存惻
怛。惠及鄉閭。出力輸財。有足嘉尚。除已遵依所降指揮。具申朝廷外。須至
再行勸勉。量出米穀。恭稟聖旨。建立社倉。庶幾益廣。朝廷發政施仁之意。
有以養成里閭睦姻。任卹之風。再此勸諭。各請知委。九年六月。日。建
寧府崇安縣五大社倉記。乾道戊子。春夏之交。建人大饑。予居崇安之
開輝鄉。知縣事諸葛侯廷瑞。以書來屬予。及其鄉之耆父。左朝奉郎劉侯
如愚曰。民饑矣。盡為勸家民發藏粟。下其直以振之。劉侯與予奉書從事。
里人方幸以不饑。俄而盜發浦城。距境不二十里。人情大震。藏粟亦且竭。
劉侯與予憂之。不知所出。則以書請于縣于府。時數文閣待制信安徐公
嘉知府事。即日命有司以船粟六万斛。泝溪以來。劉侯與予率鄉人行四
十里。受之黃亭步下。歸籍民口大小仰食者若干人。以率受粟民得遂無
饑亂以死。無不悅喜。歡呼聲動旁邑。於是浦城之盜。無復隨和。而束手就

禽夫及秋徐公奉祠以去。而直數丈間東陽王公淮繼之。是冬有年。民願以粟償官貯里中。民家將輦載以歸。有司而王公曰。歲有凶穰。不可前料。後或艱食。得無復有前日之勞。其留里中而上其籍於府。劉侯與予既奉教。及明年夏。又請于府曰。山谷細民。無蓋藏之積。新陳未接。雖樂歲不免出倍稱之息。貸食豪右。而官粟積於無用之地。後將紅腐。不復可食。願自今以來歲一欽散。既以紓民之急。又得易新以藏。俾願貸者出息什二。又可以抑僥倖。廣儲蓄。即不欲者勿強。歲或不幸小饑。則弛半息。大侵則盡蠲之。於以惠活鰥寡。塞禍亂原。甚大惠也。請著為例。王公報皆施行如章。既而王公又去。直龍圖閣儀真沈公度繼之。劉侯與予又請曰。粟分貯民家。於守視出納不便。請倣古法。為社倉以儲之。不過出捐一歲之息。宜可辦。沈公從之。且命以錢六萬助其役。於是得藉富貴民廬地。而鳩工度材焉。經始於七年五月。而成於八月。為倉三亭。一門墻宇舍。無一不具。司會計董工役者。貢士劉復。劉得與里人劉瑞也。既成。而劉侯之官江西莫府。予又請曰。復與得與皆有力於倉。而劉侯之子將仕郎琦。嘗佐其父於此。其族子右脩職郎珩。亦廉平有謀。請得與升力。所以予言。悉具書禮請焉。四人者。遂皆就事。方且相與講求倉之利病。其為條約。會丞相清源公。

出鎮茲土。入境問俗。予與諸君因得共以所為條約者。迺白于公。公以為便。則為出教。俾歸揭之。揭間以視來者。於是倉之庶事。綱大有徑可久。而不壞矣。予惟成周之制。縣都皆有委積。以待凶荒。而隋唐所謂社倉者。亦近古之良法也。今皆廢矣。獨常平義倉。尚有古法之遺意。然皆藏於州縣。所恩不過市井惰游輩。至於深山長谷。力穡運輸之民。則雖饑饉。溺死而不能及也。又其為法太密。使吏之避事畏法者。視民之殍而不肯發。往往全其封鎖。遞相付授。至或累數十年。不一嘗省。一旦甚不獲已。然後發之。則已化為浮埃聚壤。而不可食矣。夫以國家愛民之深。其慮豈不及此。然而未之有改者。豈不以里社不能皆有可任之人。欲一聽其所為。則懼其計私以害公。欲謹其出入。同於官府。則鉤校靡憲。上下相遁。其害又必有甚於前所云者。是以難之。而有弗暇耳。今幸數公相繼。其愛民慮遠之心。皆出乎法令之外。人皆不鄙吾人。以為不足任。故吾人得以及是數年之間。左提右擎。上說下教。遂能為鄉閭立此無窮之計。是豈吾力之獨能哉。惟後之君子。視其所遺之不易者如此。無計私害公。以取疑於上。而上之人亦毋以小文拘之。如數公之心焉。則是倉之利。夫豈止於一時其視而做之者。亦將不止於一鄉而已也。因書其本來如此。刻之石。以告後之君子。

云淳熙甲午夏五月丙戌新安朱熹記。黃氏曰。抄五大社倉記。乾道戊子先生與劉君如愚。勸分以振其鄉。崇安縣之荒僻。而盜發滿城。乃請于郡太守徐公壽。得粟六百斛。予鄉之人。無復從盜。王公准繼之。守是年冬。民以粟償官。命留里中。而正其籍。明年先生請歲一歛散。俾願貸者出息十二。小饑則弛半息。大侵則盡蠲之。王公報皆施行如章。沈公度繼之。又請倣古法。為社倉以儲貯云。文獻通考。淳熙八年十一月。浙東提舉朱熹言。乾道四年間。建民艱食。熹請於府。得常平米六百石。請本鄉土居。劉如愚共任賑貸。夏受粟於倉。冬則加二計息以償。自後逐年歛散。或遇少歉。即蠲其息之半。大饑則盡蠲之。凡十有四年。得息米造成倉廩。及以元數六百石還府。見管米三千一百石。以為社倉。不復收息。每石只收耗米三升。以故一鄉四五十里間。雖遇凶年。人不闕食。請以是行於司倉。時陸九淵在勅令局見之。嘆曰。社倉幾年矣。有司不復掛牆壁。所以遠方無知者。遂編入賑恤門。凡借貸者十家為甲。甲推其人為之首。五十甲則本倉自有擇一公。早晚事為社倉。正月告示社倉下鄉社中。其有藏匿逃粟及作過無行凶人。互相覺察。及有耗錢水食不關者。並不得入甲。仍門人戶願與不願入甲。同具一家大人若干口。小兒若干口。大人一石。小兒

減半。五歲以下不預請。甲頭加請一倍。社首親自審訂虛實。取各人親手押字類聚齊備。齎赴本倉。所自審其無弊。然後逐一排定中頭。寫上都簿。明載某人借若干石。休正簿給。嗣與甲頭收執清數。仍分兩時支數。初當下田時。次當耘耨時。秋禾成熟。還穀不得過八月三十日納足。穀有濕惡不實者罰之。嘉定本真德秀帥長沙行之。然今所在州縣間有行之者。皆以素之已行者為式。凶年饑歲。人多賴之。然事久而弊。或主者倚公以行私。或官司移用而無可給。或拘納息米而米嘗除免。甚者拘催無異正賦。良法美意。胥此為失。必有仁人君子以公心推而行之。斯民庶乎其有養矣。米晦菴集建寧府建陽縣長灘社倉記。建陽之南里曰招賢者三。地接順昌。甌寧之境。其限多阻。而俗尤勁悍。僅歲兵亂之餘。良莠不盡去。小遇饑饉。輒復相挺羣起。肆暴率不數歲一發。雖尋即夷滅。無噍類。然願民良莠。各判之。間已不勝其驚擾矣。紹興某年歲適大侵。姦民處處羣聚。飲博嘯呼。若將以踵前事者。里中大怖。里之石士魏君元履為言於常平使者。求俟復一。得米若干斛以貸。於是物情大安。姦計自折。及秋將歛。元履又為請得。募倉長灘。廩置之旁。以便輸者。且為後日凶荒之備。每數以頗有司。自是歲小不登。即以告而發之。如是數年。三里之人始得飽食安。